

Goiv yienc tiuv njiec zuiz hnief bun mienh ndaangc mv gaengh zoux dorngrx in-saeng-eiz:

Yiem naaiv feix hlaax saengh 1, 2015 jiex gorn daaih, ninh mbuo CalWORKs aengx caux CalFresh gong-bou-kinv oix zuqc nqoi hnyouv bun mienh dongh zoux dorngrx yaang-in saeng-eiz hnief nyei zui-mienh duqv zipv longc fu'loqc nyaanh. Naaiv sei zeix gorngrv mienh dongh haaix dauh maiv duqv zipv longc nyaanh a'fai guangc mv bun wueic laaix zuqc njiec zuiz bun liuz nzunc baav duqv zipv tengx nyaanh gauh camv jiex lox. Dae maa ziang naaic dorh mbuoz dapv bieqc mingh bun ninh mbuo CalWORKs gong-gorn tengx (Assistance Unit (AU)). Ninh mbuo kaau div yaac oix zuqc box tong fieng mbuox meih duqv hiuv se gorngrv corc sei qiex zuqc longc waa-fienx jaa tipv camv faaux liouh dorh mingh zoux yietc nyeic gong tengx naaiv dauh mienh zipv longc nyaanh.

Dae maa hlorpv nor se zuqc bun ginv longc aengx caux mv duqv juangc yiem caux yietc buonc meih nyei AU nor corc sei haih zuqc dorh jaa tipv bieqc maiv baac meih oix zuqc qiex mingh lorx buangh taux ninh mbuo kaau div gorn zangc se gorngrv meih qiex oix longc nyaanh liouh bun meih nyei dae maa hlorpv a'fai njiec sou-nzangc bun cai-doix gorngr-waac mienh.

Haix oix bun yietc zungv da'dauh mienh dongh duqv zipv longc CalWORKs aengx caux CalFresh fu'loqc mienh, dongh haaix dauh zuqc njiec zuiz hnief dongh zoux yaangh in saeng-eiz dorngrx wuov dongh bungz cuotv loh ndaangc mv baac corc sei njiec jienv zuiz nyei a'fai bun hitv kounx dingh mangc oix zuqc longc gan doh leiz gorngrv taux bungx cuotv ndaangc a'fai hitv kounx zuiz bun ziux mangc, lemh jienv nqoi hnyouv bun tengx zorc guangc yaangh in nyei gong-bou, se gorngrv naaiv deix gong se benx zuqc yietc gouv gong paaiv bun naaiv dauh mienh nyei bungx cuotv loh ndaangc a'fai hitv kounx dingc zuiz mangc nyei gong-bou.

Meih corc haih duqv zipv box tong fieng sou heuc zoux nyei gong yiem faah hlaax bun mbuox taux meih nyei yietc nyeic nyaanh dongh jiex gorn zipv longc yiem feix hlaax saeng 1 wuov mingh.

Goiv yienc CalFresh:

Dorh mienh bieqc zipv longc CalFresh horpc jaa dingh nor zuqc bun lai hnaangx jaa camv faaux. Se gorngrv haaix dauh mienh duqv zorqv jaa bieqc CalWORKs liuz nor, aengx caux tengx baeqc nyaanh yaac jaa bieqc camv faaux liux aqv, ninh nyei CalFresh nyaanh haih zoqc njiec nyei. **Meih yaac haih duqv zipv ganh ca'lengc fieng daaih bun se gorngrv meih nyei CalFresh nyaanh maaih haaix diuc duqv goiv yienc siang.**

Tengx taan nyanc hopv mingh zoux gong/Welfare-to-Work:

Dorh domh mienh bieqc zipv longc CalWORKs nor haih tiuv goiv yienc taux heuc zoux gong nyei jauv bun meih nyei hmuang-doic. Bun tengx domh mienh nor oix zuqc zoux gong a'fai gong-bou dongh haih dorh mingh tengx zoux gong. Maaih deix mienh haih tov cuotv zuiz (simv cuotv) maiv zuqc aapv heuc zoux gong. Mienh dongh haaix dauh njiec zuiz ndaangc zuqc yaangh in zuiz wuov duqv dorh bieqc yiem meih nyei AU yiem feix hlaax saengh 1, 2015 jiex gorn mingh nor haih oix zuqc heuc mingh zoux gong bietv laai hnaangx nyanc/Welfare-to-Work (WTW) nyei gong-bou. Haaix dauh mienh dongh maiv zuqc aapv heuc mingh zoux gong WTW haih cuotv hnyouv zoux.

Ninh mbuo WTW gong-bou haih njiaaux meih guai, hoqc zoux gong, aengx caux hoqc buoz dauh nyei gong liouh bun tengx meih lorx gong zoux job. Ninh mbuo kaau div oix zuqc tengx meih fih mbenc aengx caux cuotv tengx bun goux mangc fu'jueiv. Meih corc se aengx haih duqv zipv tengx cie-zinh faaux njiec aengx da'diuc jaa, beiv taux wuotc ginc jaa- sic a'fai lui houh zuqv, meih oix zuqc lorx duqv gong zoux a'fai zoux meih nyei WTW gong-bou. Se gorngrv meih nyei hmuang-doic jomc kouv ga'naanh camv, beiv taux maiv maaih biauv yiem a'fai jaa-dingh maaih sic dauh, CalWORKs yaac oix zuqc haih fih mbenc ganh ca'lengc tengx goux mangc.

Se gorngrv meih oix zuqc mingh zoux gong WTW, aengx caux maiv zoux gan meih oix zuqc zoux nyei gong nor, ninh mbuo tengx meih nyei baeqc nyaanh nyei buonc yaac zanv zoqc njiec. Ninh mbuo kaau div oix zuqc fungx camv faaux nyei waa-fienx gorngrv taux naaiv CalWORKs heuc zoux nyei gong-bou bun meih hiuv. Ninh corc se oix zuqc fungx sou-form bun liouh longc zoux sou-tov heuc ninh mbuo simv cuotv maiv zuqc heuc zoux gong yiem naaiv WTW.

Goux mangc fu'jueiv:

Domh mieh dongh haaix dauh zipv longc CalWORKs nyaanh se haih duqv zipv tengx goux mangc fu'jueiv jauv louc se gorngrv ninh mbuo corc sei zoux jienv gong yiem a'fai ninh mbuo nqoi hnyouv bun zoux WTW nyei gong. Se gorngrv ih zanc meih nyei fu'jueiv corc duqv zipv tengx goux mangc jienv yiem aengx caux meih jiex gorn zipv longc CalWORKs, ninh yaac maiv qiex zuqc dorh mingh tiuv heuc meih tengx goux mangc fu'jueiv jauv louc, beiv taux tengx meih nyei mienh oix zuqc laengz waac longc CalWORKs cuotv nyaanh bun tengx zoux mangc fu'jueiv.

Buangh lorx taux ninh mbuo kaau div tengx ca'laangh gorngrv fih mbenc tengx fu'jueiv nyei jauv dongh meih corc sei maaih pui-zipv longc nyei jauv.

Tengx fu'jueiv:

Domh mienh dongh zipv longc CalWORKs oix zuqc dongh hnyouv zoux gong caux ninh mbuo tengx siou nyaanh tengx fu'jueiv yiem njiec CalWORKs. Ninh mbuo siou nyaanh tengx fu'jueiv oix zuqc cuotv nyaanh jaaav nzuonx bun ninh mbuo kaau div. Naaiv se zeix gorngrv haaix zanc ninh mbuoo fungx meih nyei tengx goux mangc fu'jueiv sou-gorn nor yaac kungx duqv zipv maiv gauh camv jiex ndaangc yietc hlaax \$50 bun tengx goux mangc fu'jueiv. Naaiv deix \$50 nyaanh yaac maiv funx bieqc bun baeqc tengx meih nyei buonc nyaanh. Dongh corc zengc njiec tengx goux mangc fu'jueiv nyei buonc nyaanh yaac zuqc longc bun jaaav nzuonx meih nyei cash aid.

Buangh lorx taux ninh mbuo kaau div se gorngrv meih maaih waac qiex zuqc naaic taux naaiv deix goiv yienc nyei jauv louc liouh longc tengx meih nyei horpc jaa hmuang-doic dongh kouv nyei ziangh hoc se gorngrv zuqc siou nyaanh tengx goux mangc fu'jueiv wuov.